

К ОПУБЛИКОВАНИЮ

КОМИ РЕСПУБЛИКАЛӦН ОЛАНПАС

«Коми Республика мутасын челядя семьяяслы социальнӧя отсалан содтӧд мераяс йылысь» Коми Республикаса Оланпасӧ вежсьӧмьяс пыртӧм йылысь

Примитӧма Коми Республикаса
Каналан Сӧветӧн

2024 вося сора тӧлысь 25 лунӧ

1 статья. Пыртны «Коми Республика мутасын челядя семьяяслы социальнӧя отсалан содтӧд мераяс йылысь» Коми Республикаса Оланпасӧ (Коми Республикаса канму власьт органъяслӧн индӧд-тшӧктӧмьяс, 2011, 14 №, 353 ст.; 36 №, 908 ст.; 47 №, 1335 ст.; 2012, 7 №, 171 ст.; 2013, 32 №, 578 ст.; 2014, 9 №, 119 ст.; 14 №, 243 ст.; 33 №, 672 ст.; 2015, 8 №, 92 ст.; 2016, 17 №, 221 ст.; 18 №, 260 ст.; 2017, 9 №, 148 ст.; 27 №, 487 ст.; 2018, 17 №, 305 ст.; 2019, 15 №, 206 ст.; 2020, 10 №, 143 ст.; 2021, 22 №, 409 ст.; 2022, 13 №, 193 ст.; 15 №, 250 ст.; 2023, 6 №, 98 ст.; 13 №, 261 ст.; 2024, 1 №, 6 ст.; 10 ст.) татшӧм вежсьӧмьяс:

1. 1 статьяса 1 пунктн «сетӧны позянлун бурмӧдны олан условиеяс,» кывъяс бӧрын содтыны «нӧбӧны ас оланін стрӧйтӧм вылӧ му участок,» кывъяс.

2. 5 статьяса 3 юкӧнӧ содтыны татшӧм сюрӧса 1¹ пункт:

«1¹) ас оланін стрӧйтӧм вылӧ му участок нӧбӧм;».

3. Содтыны татшӧм сюрӧса 6¹ статья:

**«6¹ статья. Дінмуса семейнӧй капитал сьӧмсӧ
ас оланін стрӧйтӧм вылӧ му участок
нӧбӧм вылӧ веськӧдӧм**

1. Вӧдитчӧм йылысь заявление серти дінмуса семейнӧй капиталысь сьӧмсӧ (сьӧм юкӧнсӧ) видзӧны ас оланін стрӧйтӧм вылӧ му участок нӧбӧм вылӧ, кутшӧмӧс граждана збыльмӧдӧны оланпаслы лӧсялысь быдсикас сделка вӧчӧмӧн, индӧм сьӧмсӧ организацияӧ, кодӧ босьтӧ ас оланін стрӧйтӧм вылӧ нӧбан му участоксӧ, либӧ торъя мортлы, кодӧ босьтӧ ас оланін стрӧйтӧм вылӧ нӧбан му участоксӧ, либӧ организацияӧ, сы лыдын кредитнӧй, кодӧ кредитнӧй сёрнитчӧм (заём сёрнитчӧм) серти сетӧма индӧм медшӧр могъяс вылӧ сьӧмсӧ, кивывса сьӧмтӧг вуджӧдӧмӧн.

2. Дінмуса семейнӧй капиталысь сьӧмсӧ (сьӧм юкӧнсӧ) позьӧ видзны торъя оланін стрӧйтӧм вылӧ му участок нӧбӧмкӧд йитчӧм кӧсйысьӧмьяс олӧмӧ пӧртӧм вылӧ, кутшӧмьяс артмисны социальнӧя отсалан содтӧд мераяс вылӧ инӧд босьтан кадпасӧдз.

3. Колӧ, медым дінмуса семейнӧй капитал сьӧмӧн (сьӧм юкӧнӧн) вӧдитчӧмӧн нӧбӧм ас оланін стрӧйтӧм вылӧ му участокыс меститчис Коми Республика мутасын.

4. Дінму реестрӧ пыртӧм мортлы, сылӧн верӧслы (гӧтырлы) быть колӧ оформитны ас оланін стрӧйтӧм вылӧ му участоксӧ, кутшӧмӧс нӧбӧма дінмуса семейнӧй капитал сьӧмӧн (сьӧм юкӧнӧн) вӧдитчӧмӧн, татшӧм мортлӧн, сылӧн верӧслӧн (гӧтырлӧн), челядылӧн (сы лыдын медводдза, мӧд, коймӧд кагалӧн да сы бӧрын чужӧм челядылӧн) ӧтувъя эмбурӧ артмӧдчӧм серти пайяслысь мындасӧ урчитӧмӧн.

5. Дінмуса семейнӧй капиталысь сьӧмсӧ (сьӧм пайсӧ) вермӧны видзны медшӧр уджйӧз вештӧм да ас оланін стрӧйтӧм вылӧ му участок нӧбӧм вылӧ кредитъяс либӧ заёмъяс серти прӧчентъяс мынтӧм вылӧ, ипотека кредитъяс пыртӧмӧн, кутшӧмьясӧс гражданагы сетӧма кредитнӧй сёрнитчӧм (заём сёрнитчӧм) серти, кутшӧмӧс кырымалӧма организациякӧд, сы лыдын кредитнӧй организациякӧд, социальнӧя отсалан содтӧд мераяс вылӧ инӧд артман лунсянь кольӧм кадколаст вылӧ видзӧдтӧг.

6. Дінмуса семейнӧй капиталысь сьӧмсӧ (сьӧм пайсӧ) видзӧны ас оланін стрӧитӧм вылӧ му участок нӧбӧм вылӧ заёмъяс серти медшӧр уджйӧз вештӧм да прӧчентъяс мынтӧм вылӧ, кутшӧмъясӧс гражданагы сетӧма ас оланін стрӧитӧм вылӧ му участок нӧбӧм вылӧ заём сёрнитчӧм серти, кутшӧмсӧ кырымалӧма организацияс пиысь ӧтикӧд, кодӧ лоӧ:

1) кредитнӧй организацияӧн «Банкъяс да банковскӧй удж йылысь» Федеральнӧй оланпас серти;

2) микрофинансӧвӧй организацияӧн «Микрофинансӧвӧй удж да микрофинансӧвӧй организацияс йылысь» 2010 во сора тӧлысь 2 лунся 151-ФЗ №-а Федеральнӧй оланпас серти;

3) кредитнӧй потребительскӧй кооперативӧн «Кредитнӧй кооперация йылысь» 2009 во сора тӧлысь 18 лунся 190-ФЗ №-а Федеральнӧй оланпас серти;

4) мукӧд организацияӧн, кӧнӧ сетӧны заём сёрнитчӧм серти заём, мый серти кӧсйысьӧмъясӧс могмӧдӧма ипотекаӧн.

7. Дінмуса семейнӧй капиталысь сьӧмсӧ (сьӧм юкӧнсӧ) видзӧны ас оланін стрӧитӧм вылӧ му участок нӧбӧм вылӧ заёмъяс серти медшӧр уджйӧз вештӧм да прӧчентъяс мынтӧм вылӧ сэк, кор дінму реестрӧ пыртӧм морт либӧ сылӧн верӧс (гӧтыр) сетӧма документ, мый эскӧдӧ сыӧн заём босьтӧмсӧ кивывса сьӧмтӧг тшӧт вылӧ вуджӧдӧмӧн, кутшӧмсӧ востӧма дінму реестрӧ пыртӧм морт либӧ сылӧн верӧс (гӧтыр) кредитнӧй организацияын.

8. Ас оланін стрӧитӧм вылӧ му участок нӧбӧм вылӧ дінмуса семейнӧй капиталысь сьӧм (сьӧм пай) сетан правилӧясыс урчитсьӧны Коми Республикаса Вєськӧдлан котырӧн.».

2 статья. Тайӧ Оланпасыс вынсялӧ 2025 вося тӧвшӧр тӧлысь 1 лунсян.

Коми Республикаса Вєськӧдлан котырлы лӧсьӧдны ассьыс нормативнӧй инӧда актъясӧ тайӧ Оланпас серти.

Коми Республикаса Юралысь

В.В. Уйба

Сыктивкар

2024 вося сора тӧлысь 29 лун

52-РЗ №